



www.desertinabulls.ch

Protocol dils 18 da zercladur 2016

Radunonza generala allas 20.00 el Hotel Alpsu Mustér

Presents	28
Perstgisas	21
Extradas	Mirco Giger, Renato Livers
Abdicaziun	Livia Solèr (cassiera)

Tractandas

1. Beinvegni ed appel
2. Elecziun da dus dumbravuschs
3. Approbaziun dil protocol dils 18 d'avrel 2015
4. Rapport annual dil president
5. Rendaquen e rapport dils revisurs
6. Preventiv 2016/17
7. Fixaziun dallas contribuziuns annualas per ils commembers
8. Elecziuns, reelecziuns
9. Rapports dils trenaders
10. Orientaziuns e decisziuns
11. Varia

1. Beinvegni ed appel

Il president Flavio Steger arva allas 20.15 uras la radunonza generala e fa in cordial beinvegni als presents. El numna las perstgisas per la radunonza e prelegia las extradas dall'uniun.

2. Elecziun da dus dumbravuschs

Dario Schuoler e Joey Manetsch vegnan proponi ed elegi sco dumbravuschs per la radunonza.



www.desertinabulls.ch

3. Approbaziun dil protocol dils 18 d'avrel 2015

Era uonn ei il protocol digl onn vargau vegnius publicaus silla pagina d'internet. Ord quei motiv vegn el buca prelegius. Damondas ni remarcas dat ei neginas.

Il protocol dalla radunonza generala digl onn 2015 vegn approbaus unanimamein.

4. Rapport dil president

Flavio Steger ei il quart onn president dils Desertina Bulls. El ei aunc adina fetg loschs dad esser president da nossa uniun. La sesiun vargada ei Flavio staus a visitar entginas rundas ordeifer - ella vischinonza da Winterthur.

L'entschatta dalla sesiun ha el priu posiziun cun ina brev aviarta ella gasetta pertuccont il niev menader dil center da sport e cultura. Plinavon ha el dau ina intervesta leutier el Radio Romontsch. Mo eran ils Desertina Bulls la suleta uniun ch'ei s'exprimida.

Adrian Flepp ha iniziav las novas monduras per ils juniors. Ord quei ei seresultau in di da juniors cun presentaziun mediala dallas novas monduras. Engraziel fetg ad Adrian per siu engaschi.

Omisduas equipas - dallas damas ed ils umens - ein separticipadas al Cup, cun pauc success.

Igl uost ein ils Desertina Bulls stai spalier alla nozza da Daniela e Tomas Schmed. Els han giu grond plascher.

Fin uost ha giu liug il camp da trenament a Tenero, quel ha giu in fetg bien resun ed ei stau in grond success.

Sco adina ha giu liug per tuttas equipas la sera da test dil Menzli.

Ils 26.11.2015 havein menau atras igl usitau turnier da notg. Uonn cun 31 equipas (ina dapli ch'igl onn vargau). Niev ei stau il stan da vendita dil Menzli. Tut ha funcziunau fetg bein. In grond engraziament a tuts.

Era uonn havein fatg ina sera dil club. Quei ei sco adina stau ina fetg lessiga sera.

Fetg grond plascher ha il president era giu dils juniors U16 perquei ch'ei era aschidadir in experiment. In eveniment special per el era, da saver schular sco arbiter ina runda da casa dad els.



www.desertinabulls.ch

Ina premiera ha ei dau tier ils juniors C. L'emprema ga han els giu ina giuvna licenciada, ella ei sengaschada el giug cun premura e plascher.

In grond engraziament a tut ils trenaders per il zun grond engaschi e tut ils inputs durant la sesiun. Era in grond engraziament a tut ils commembers.

5. Rendaquen e rapport dils revisurs

La cassiera Livia Solèr presenta cuort il quen dalla sesiun 2015/2016 e menziuna entginas novas entradas ni specialas extradadas.

Il quen dall'uniun siara cun ina sperdita da **CHF -736.80**. La suprastonza ha spitgau ina pli gronda summa muort pli grondas expensas per exmpel a caschun dil camp a Tenero.

Ils revisurs da quen Silvan Giger e Beat Hosang han examinau il rendaquen e han constattau, che tut las cudischaziuns ein accumpignadas da quittanzas e ch'il quen corrispunda als statuts. Els proponan d'approbar il quen.

Il rendaquen vegn approbaus unanimamein.

6. Preventiv 2016/17

La cassiera Livia Solèr ed il president han mess ensemen il preventiv per la sesiun 2016/2017. La finamira ei da saver presentar l'auter onn in quen ulivau.

Il preventiv 2016/2017 vegn approbaus unanimamein.

7. Fixaziun dallas contribuziuns annualas per ils commembers

Cunquei che havein novas equipas e las vegliadetgns svariant per part fetg, propona la suprastonza ina nova structura da contribuziuns pils commembers. Aschia pagan ussa ils commembers tenor l'annada. Mira tabella.

Vegliadetgna	Contribuziun (senza cuosts da licenza)
18+	200.-
15-17	150.-
12-14	100.-
1-11	50.-
Seniors	100.-



www.desertinabulls.ch

Ils honoraris pils arbiters restan sco entochen dacheu.

- honoraris arbiters (cuors e schular) CHF 250.-
- honoraris per runda ch'els van a schular CHF 50.-

La proposta per las novas contribuziuns vegn approvada unanimamein.

8. Elecziuns, reelecziuns

President

Flavio Steger, reelegius per dus onns.

Actuara

Marina Lombris, aunc in onn.

Cassiera

Livia Solèr, abdicau. Andri Nay (buca presents) e Davina Sialm semettan a disposiziun per quei post. 14 vuschs per Davina Sialm. 8 vuschs per Andri Nay. Aschia ei Davina Sialm vegnida elegida sco nova Cassiera.

Revisiun da quen

Beat Hosang, semetta a disposiziun per ulteriurs dus onns. Silvan Giger, aunc in onn.

Organisaziun trenaders

Florian Zanin, aunc in onn.

Sponsoring

Adrian Flepp, aunc in onn.

Turnier da notg

Flavio Steger, Severino Giger, Silvan Giger, Marina Lombris

Internet/Medias

Flavio Steger, Silvan Giger (facebook)

Il president propona da metter si in niev post sco chef da material. Ils pensums dil qual fissan:

- tener uorden la scaffa ed il material
- s'annunziar dier la suprastanza ni trenaders tier basegns da niev material
- persuna da contact per empustaziuns

Ursina Bearth semetta a disposiziun per quei post - engraziel fetg ad ella.

Tut las elecziuns e reelecziuns vegnan approbadas unanimamein cun applaus. Engraziel fetg a tuts.



www.desertinabulls.ch

9. Rapports annuals dils trenaders

Simon Bisquolm, damas 2. ligia

Igl ei stau ina buna sesiun, independent dil plaz. Entochen la fin hagian saviu giugar pigl emprem plaz, era sche la davosa runda ei ida ellas "caultschas". Igl engaschi ei staus fetg buns durant l'entira sesiun, tgei ch' ei era semussau tier ina gronda participaziun als trenaments.

Ei vegn anavos bia dallas giuvnas per la lavur prestada dils trenaders.

Avon nadal ei stau ina meins buna atmosfera ch'ei iu sin cuosts d'ina runda-sperar che quei schabegia uonn buc.

Igl experiment da dar cun 3 blocs ei staus buns, aschia han tuttas saviu dar dapli. Per la proxima sesiun ei lessig, da saver dar cun 2 equipias. Ils trenaments vegnan adina ad esser cun omisduas equipas ensemen. Ronny ei responsabels per la U21 e Simon per las damas. Corsin Bisquolm ei gidonter per els sco ei fa basegns.

Florian Zanin/ Martin Schwyter, umens 3. ligia

Martin surpren il plaid, cunquei che Florian ei buca presents. Per el eis ei stau in fetg special emprem giug, era sche il cup ei ius ellas caultschas. Suenter han ins adina saviu perseguitar il progress ensi. Ils davos giugs ha ei dau dapli gols. El spera d'entscheiver la nova sesiun sin quei nivel.

Uonn dattan ils umens 4. ligia, tgei ch'ei ina interessanta gruppa. Il cup laian els ora uonn.

Silvan Giger/Remo Bundi, juniors C

(Alexandra Flepp/ Silvana Cabernard, junioras)

Cunquei che las junioras eran alla la fin mo 2-3 giugaduras, ei Noemi ida culs juniors c als campionadis.

Igl ei stau ina sesiun da records – records negativs.

Ei ha entschiet cun paucas speranzas, cunquei che biars giuvens ein ira tier la U16. Els han stuiu metter ensemen ina nova equipa. Els han survegniu fetg bia gols, mo han tuttina mai piars il plascher e la motivaziun. Il davos han ins viu il progress. Ils resultats ein vegni megliers alla fin dalla sesiun.

Severino Giger/Adrian Flepp, U16

La U16 era ina nova equipa. Els devan l'emprema gada plaz grond, ei era da baghegiar si bia da niev. Per gliez ei il camp a Tenero staus ina buna basa. Ils trenaders eran fetg surstai, con bein ils giuvens han saviu tener cun culs adversaris. Ils giugs eran pil pli fetg ulivs. Cunzun la runda da casa vegn a star en buna memoria cun la super atmosfera dils aspectaturs ed ils buns giugs encunter ils emprems e secunds dalla tabella.

Ils juniors eran adina motivai. La proxima sesiun vegn in niev giugatur vitier. Il nivel vegn pli aults, cunquei che els dattan U18. Mo igl ei buc da metter memia grondas finamiras gia ussa.



www.desertinabulls.ch

Ronny Zanin, Kids

Ensesez ha Ronny dau giu. Mo negin ha surpriu il job, aschia ha Ronny tuttina surpriu. Il sustegn dils seniors era fetg pigns. Els eran denter 9 ed 11 kids. Ronny ei aunc adina dil meini che ils kids ein ina fetg impurtonta equipa perquei che els ein il futur dil club!

Kai Hinrichsen, seniors

Flavio prelegia la mail da Kai.

"Deplorablamein havein giu entgins trenaments cun fetg pauca partecipaziun. In grond problem ei stau, che Martin Schwyter ei sedecidiu cuort avon l'entschatta dalla stagiun da buca pli trenar culs seniors, aschia che nus havein stuiu dar mo cun in golie fix. Cun in ni l'auter giugadur digl exterior (p.ex dalla Tirschia e da Sedrun) eis ei lu tuttina gartegiau da regularmein far trenaments. Sil pli tard sill'entschatta dils playoffs havein lu era contonschiu ina bien nivel per dar otgs seras da playoffs cun resultats per part fetg knapps. Gudignau ha lu cul Renato il sulet goalie da professiun. Grond engraziament a tuts giugadurs pigl engaschi!"

10. Orientaziuns e decisziuns

Il president Flavio Steger informescha e resumescha la situaziun da trenaders/equipas.

Umens

Ils umens dattan niev ella 4. ligia e dattan ussa vinavon ella fuorma da turnier, sco ella 3. ligia onn vargau. Florian Zanin stat vinavon cun agid da Martin Schwyter.

Damas

Simon Bisquolm e Ronny Zanin. Niev cun agid da Corsin Bisquolm.

Ei dat ina nova equipa dad U21 muort ina massa giuvnas.

Ronny ei responsabels per la U21 e Simon per las Damas 2. ligia.

Juniors U16

Severino Giger stat vinavon ed enquera in gidonter, cunquei che Adrian Flepp sa muort scolaziun buca pli esser presents.

Juniors C

Silvan Giger cun agid da Selina Giger. Remo Bundi ha abdicau.

Junioras

Silvana Cabernard ed Alexandra Flepp han dau giu sco trenadras. Encuretq trenaders ni gidonters per Silvan e Selina.

Kids

Encuretq trenaders. Fiona Giossi semetta a disposiziun.



www.desertinabulls.ch

Seniors

Kai Hinrichsen stat vinavon.

Arbiters

Plaz grond → Marina Bearth e Corina Venzin statan aunc 1 onn.

Plaz grond → Ursin Deflorin niev e Joey Manetsch aunc in onn.

Plaz pign → Flavio Steger aunc in onn.

Il club ha in arbiter memia pauc perquei che havein ina equipia dapli sin plaz grond. Quei vegn a dar in pign castitg.

Sponsoring

Ei ha dau in niev trener ed ina banda da Curschellas Sport. Il niev trener che havein schau far tier Curschellas Sport ha vilentau il sponsur principal Menzli Sport. Il president Flavio Steger ed il responsabel da sponsoring Adrian Flepp ein sesi ensemen cun Menzli Sport. Igl ei seresultau in niev cuntract.

Camp da trenament a Tenero

Il president informescha, ch'il secund camp dallas damas ed ils umens ha liug uonn ils 26.- 28.08.2016. Ils juniors van uonn buca a Tenero.

Las rundas da casa ein gia publicas

Kategorie / Liga	Gruppe	Datum
Herren Aktive GF 4. Liga	8	26.03.2017
Junioren U18 C	5	30.10.2016
Damen Aktive GF 2. Liga	4	13.11.2016
Juniorinnen U21 B	4	20.11.2016
Junioren C Regional	25	03.12.2016

La U21 ha eventualmein ina secunda runda da casa.

- **Turnier da notg** ha liug ils 26.11.2016
- **Lavur cumina** ha giu liug 2 sondas il matg/ zercladur
- **2017 dat ei il club Desertina Bulls 25 onns - in motiv da festivari.**
La idea ei da far enzatgei che dat buca lavur pils commembers, mobein ch'els san "guder".
Ina proposta dil president ei, da prender part al Czech Open. Ronny propona dad ir egl Europapark, aschia san ils juniors era prender part.



www.desertinabulls.ch

Ei vegn mess si in comitè per rimnar ideas ed organisar.
Comitè: Adrian Flepp, Ursin Deflorin, Livia Solèr, Flavio Steger, Marina Lombris

11. Varia

- Simon Bisquolm → ei dat 2 variantas da teila per ils novs t-shirts da cuorer en.
- Silvan Giger → proposta da far in turnier da scolas (sco turnier da notg) per far reclama, 5avla classa tochen 3. secundara. Silvan Giger e Severino Giger sorprendan l'organisaziun, Flavio Steger segida.
- Il president engrazia a Livia Solèr, che ella ei stada alla radunonza dalla BUJ ed a Marina Bearth per ir alla radunonza da Swiss UHC.
- Engraziament era a Livia per la lavur prestada sco cassiera ils davos 2 onns.
- Sch'enzatgi vul fotis en buna qualitat dalla homepage, sa el s'annunziar tier Flavio per mail.
- Simon engrazia a Flavio per siu engaschi sco president.
- Flavio menziunescha, che el fa suentar la radunonza - sch'il giavisch dils presents ei avon maun - ina cuorta presentaziun cun fotis da siu viadi.

Mustér, ils 12 da fenadur 2016.
Per il club d'unihoc UHC Desertinabulls

L'actuara
Marina Lombris